

INUIT ATAQATIGIIT

INATSISARTUNI



Nuuk, 14. april 2014

Inatsisartut suleriaasianni § 37 naapertorlugu matumuuna Naalakkersuisunut imatut apeq-quteqarpunga.

2013-imi ukiakkut ataatsimiinnermi oqaluuserisani, imm. 85 tunngavigalugu siun-nissami aatsitsassarsiorfiit Aatsitassarsiornermi Aningaasaateqarfimmut aningaasanik akiliinissaminnut taarsiullugu aningaasanik nalilinnik tigussaasunik akiliute-qartalernissaannut periarfissaqalernissaa, Naalakkersuisut ersarissumik sukkut uppenarsaatissaqartippaat?

Naalakkersuisut isumaqarpat ullog tunniussivissaq eqqorlugu inatsisissatut siun-nersuut pingaartumillu oqaaseqaatit tunniunneqartut una pillugu: "Kalaallit Nu-naata Aatsitassarsiornermi Aningaasaateqarfia pillugu Inatsisartut inatsisaata al-lanngortinnissaa pillugu nr. 6 5. december 2008-imeersoq Inatsisartut inatsisaat nr. xx, xx.xxxx-imeersoq"¹ – aningaasanik nalillit tigussaasut Aatsitassarsiornermi Aningaasaateqarfimmi aatsitassarsiornermit isertitanut ilaatinneqannginnissaan-nik ukiakkut Inatsisartut aalajangiussaata iluaqutissartaasa ajoqutissartaasalu qulaajarluarneqarnissaannut naleqqiullugu tamakkiisumik eqqortunik takutitsi-sut?². Apeqqut taamaallaat "aap"-imik "naagga"-milluunniit akineqassaaq.
(Inatsisartunut ilaasortaq Naaja H. Nathanielsen, Inuit Ataqatigiit)

Tunngavilersuut

1. april § 37 naapertorlugu apeqqutinnut (nr. 086) akissutaasut apeqquteqaatinnut akissu-taasutut isiginngilakka. Taamaammat allatut ajornartumik apereqqittariaqarpunga.

Suli isumaqartuarpunga Inuussutissarsiornermut Aatsitassanullu Naalakkersuisup Inatsisar-tut 2013-imi ukiakkut Aatsitassanut Aningaasaateqarfik pillugu aalajangiinerat unioqqutik-kaa.

Naalakkersuisut inatsisissatut siunnersuummi malunnarsisippaat, aatsitassarsiorfiit akileraa-rutinik akitsuutinillu "akikillisaanneqartarnissaat" tamatumunngali taarsiullugu sanaartortar-nissaat Inatsisartut kissaatigigaat. Tamanna toqqartumik kukkuneruvoq arlaannaanniluun-niillu ersigani – aalajangiiffigisassatut siunnersuummi, ataatsimiititaliap isumaliutissiissutaa-ni imaluunniit ukiakkut Naalakkersuisut namminneq akissuteqaataanni.

Tunngavilersuutaavoq piffissami tassani nassaarineqartoq, uangalu naapertuutinngitsutut isiguarpara, Naalakkersuisut taamaaliornermikkut inatsisissatut siunnersuummut siunerta-mik Inatsisartunit uanniilluunniit siunnersuuteqartutut oqaatigineqarsimannngisaannartumik ilanngussiniarnerat.

Apeqqutit ullut suliffiit qulit ingerlaneranni akeqquneqarput.

¹ Imm. 129:

http://inatsisartut.gl/dvd/FM2014/pdf/media/1702598/pkt129_fm2014_raastoffonden_lov_ret_dk.pdf

² Imm. 85:

http://inatsisartut.gl/dvd/EM2013/pdf/media/997356/pkt85_em2013_raastoffonden_definition_nn_dk.pdf